

**ROSA ANA PRADA QUEIPO, SECRETARIA DO CONCELLO DE AMES NA
PROVINCIA DA CORUÑA**

CERTIFICO: QUE O PLENO DESTE CONCELLO LEVOU A CABO SESIÓN ORDINARIA O 26 DE DECEMBRO DE 2014, DESA REUNIÓN REDACTOUSE A CORRESPONDENTE ACTA QUE É DO TEOR LITERAL SEGUINTE:

**ACTA DA SESIÓN ORDINARIA LEVADA A CABO POLO PLENO DO CONCELLO O
DÍA 26 DE DECEMBRO DE 2014.**

No Salón de Sesiões da Casa do Concello de Ames, ás vinte horas (20:00) do día 26 de decembro de 2014, reúnese o Pleno do Concello en sesión ordinaria de primeira convocatoria, baixo a presidencia do Sr. alcalde, **Santiago V. Amor Barreiro**, e coa asistencia das/os señoras/os concelleiras/os seguintes:

Grupo municipal Popular	Grupo municipal Socialista	Concelleiras/os adscritas/os	non
Santiago V. Amor Barreiro Mª Eugenia Martín Vicente Bernardo Moar Míguez Alfredo Taboada Alvelo Mª Carmen Verde Leboráns	José M. Miñones Conde José Blas García Piñeiro Mª Isabel González Cancela Jose Pazos Balsa Francisco Villaverde Marcos	Mª Pilar Candocia Pita Susana Mayo Redondo Olalla Alvite del Río Ramón García Argibay Manuel J. Ferreiro Santiago María González Gómez Emilio Martínez Carballeira	

Non asisten pero xustifican a súa ausencia os/as concelleiros/as **Xosé Anxo Doval Rey, Alfonso Rey López e Mª Dolores Fernández Álvarez.**

Non asiste o **interventor**, José Antonio Rueda de Valenzuela.

Actúa como **secretaria** a titular da Corporación, Rosa Ana Prada Queipo.

ORDE DO DÍA**A) PARA DAR CONTA:**

Punto primeiro.- Dación de conta ao Pleno da Corporación dos decretos ditados pola Alcaldía dende a última sesión plenaria ordinaria.

O señor alcalde, **Santiago V. Amor Barreiro**, informa á Corporación que os decretos ditados pola Alcaldía dende a última sesión plenaria ordinaria, estiveron á disposición de todas/os as/os concelleiras/os na Secretaría Xeral, engadindo que o acceso ós decretos é libre para todas/os as/os concelleiras/os, en calquera momento na Secretaría Xeral do Concello, así como nos distintos departamentos nos que foron elaborados e que ditos decretos foron remitidos por vía telemática ós señores/as concelleiros/as.

B) PARA DELIBERACIÓN E ACORDO:

Punto segundo.- Aprobación de actas anteriores.

(.....)

O señor alcalde, **Santiago V. Amor Barreiro**, informa das correccións xa feitas no borrador da acta da sesión ordinaria do 27 de novembro de 2014.

Na páxina 5, no ultimo paragrafo onde agora pon 6 concelleiros, antes poñía erroneamente 5 concelleiros. E na páxina 16, no enunciado da moción de urxencia presentada, agora xa está incluída a referencia ó grupo municipal socialista que no borrador da acta fora erroneamente omitida.

Sometida a votación, coas correccións xa indicadas polo señor alcalde, a acta da sesión plenaria de 27 de novembro de 2014 resulta aprobada por **unanimidade** dos membros presentes da corporación municipal.

Punto terceiro.- Solicitud de reversión de parcela cedida a favor da Dirección Xeral de Protección Civil da Xunta de Galicia para a construción do parque comarcal de bombeiros no Milladoiro.

(.....)

O concelleiro **José M. Miñones Conde**, solicita que quede enriba da mesa este asunto, ata que se teña un informe oficial da Xunta de Galicia no que se renuncie á realización deste parque de bombeiros.

Sometida a votación a súa petición, o Pleno da Corporación, por maioría absoluta do número legal de membros, cos votos a favor dos/as 5 concelleiros/as do grupo municipal socialista e dos/as concelleiros/as non adscritos/as M^a Pilar Candocia Pita, Susana Mayo Redondo, Olalla Alvite del Río e a abstención dos/as concelleiros/as non adscritos/as Ramón García Argibay, Manuel J. Ferreiro Santiago, María González Gómez, Emilio Martínez Carballeira e o voto en contra dos/as 5 concelleiros/as do grupo municipal popular adopta acordo de que quede sobre a mesa a aprobación da solicitude de reversión de parcela cedida a favor da Dirección Xeral de Protección Civil da Xunta de Galicia para a construción do parque comarcal de bombeiros no Milladoiro.

Punto cuarto.- Adhesión á Central de Contratación da Deputación Provincial da Coruña.

(.....)

Sometida a votación a proposta de adhesión á Central de Contratación da Deputación Provincial da Coruña, a mesma resulta aprobada cos votos a favor dos/as 5 concelleiros/as do grupo municipal popular, o voto en contra dos/as concelleiros/as non adscritos/as M^a Pilar Candocia Pita, Susana Mayo Redondo e Olalla Alvite del Río e a abstención do resto dos membros presentes da corporación municipal, adoptando o Pleno os seguintes acordos:

Primeiro.- Adherirse á Central de Contratación da Deputación Provincial da Coruña.

Segundo.- Aprobar o convenio de adhesión.

Terceiro.- Remitir os presentes acordos á Deputación Provincial da Coruña para os efectos oportunos.

Cuarto.- Facultar ó alcalde presidente do Concello de Ames, para que en nome e representación do concello, formalice cantos documentos sexan precisos para a efectividade do presente acordo, así como para a adhesión os distintos acordos marco, contratos e outras licitacións que a Central de Contratación da Deputación Provincial da Coruña saque a licitación e sexan de interese para este concello.

Punto quinto.- Solicitud de expedición de credencial a favor da candidata proposta polo Partido Socialista de Galicia – Partido Socialista Obreiro Español Begoña Gómez Barreiro.

(.....)

Intervén o concelleiro **José M. Miñones Conde** para solicitar que conste en acta que o seu grupo solicita que se lle informe do día en que a solicitude de credencial se remite á Xunta Electoral Central.

En sesión plenaria de 27 de novembro de 2014 tomouse coñecemento da renuncia ao cargo de concelleira de Carmen Fraga Crespo, que estaba integrada no grupo municipal socialista.

Dado que a lista dos candidatos ou suplentes a nomear do PSdeG-PSOE estaba esgotada tras a renuncia da última candidata suplente, Úrsula Seijas Seoane, seguindo o procedemento establecido no artigo 182.2 da LOREG, o representante do PSdeG-PSOE na Xunta Electoral de Zona de Santiago de Compostela nas eleccións municipais de maio de 2011, Antonio Leira Piñeiro, presenta escrito con data 15 de decembro de 2014 (R.E. 15.328), polo que solicita que se designe como suplente na candidatura correspondente a María Begoña Gómez Barreiro, con DNI 33.290.463-X, acompañando escrito de aceptación de María Begoña Gómez Barreiro nos termos previstos no punto segundo da Instrución de 10 de xullo de 2003 da Xunta Electoral Central.

Rematadas as intervencións, o Pleno do Concello acorda solicitar á Xunta Electoral Central a expedición de credencial a favor de **María Begoña Gómez Barreiro**, con DNI 33.290.463-X, a cal terá dereito a tomar posesión como concelleira de Ames no primeiro pleno que se celebre, unha vez recibida a credencial expedida pola Xunta Electoral Central e previo cumprimento dos requisitos legalmente establecidos.

Punto sexto.- Toma de coñecemento polo Pleno da renuncia da concelleira María Carmen Verde Leboráns e das renuncias anticipadas de Manuel Picallo Rodeiro e de María Consuelo Parapar Cora e solicitude de expedición de credencial a favor de Ana Ruso Baliña.

(.....)

A petición da concelleira **María Carmen Verde Laboráns**, se fai constar na acta da sesión a súa intervención. *“Boas noites. Hoxe poño fin a miña longa carreira política por motivos persoais xa que son moitos anos de carreira política. Todo comezou cando don José Astray me chamou para incluírme no seu equipo. Dese ciclo, gardo grandes recordos e grandes amigos. Estou moi orgullosa poder ter sido a primeira concelleira de Ames. Afortunadamente, a política deixou fai tempo de ser só cousa de homes.*

Dende o principio, a miña obriga non foi outra que a de tentar axudar sempre aos meus veciños, de escoitalos e estar preto deles. Se algunha vez non foi así, pido desculpas. Esta é unha labor difícil pero tamén agradecida. Vin medrar pouco a pouco a Bertamiráns, lugar onde vivo. Vin avanzar o concello e tamén vin ciclos de estancamento. Son moitos anos no goberno tratando de facelo o mellor posible pero chega o momento de deixalo. Todo ten un principio e un final. Tamén é o turno para que outras persoas ocupen o meu lugar con máis entusiasmo pero sen esquecer nunca que o máis importante son os veciños de Ames. É deber dos que quedan, escoitalos, estar entre eles e traballar milleiros de horas para que Ames siga adiante. Este traballo non ten sentido se non se fai así, por e para os veciños de Ames.

Sen máis, despídome dando ánimos a tódolos compañeiros e aos grupos da oposición para que sigan con esta dura pero, como xa dixen antes, agradecida labor.

Por último, aproveito estas datas para desexar un prospero ano 2015 que esperamos que veña cargado de boas novas. Moitas grazas”.

(.....)

Rematadas as intervencións, o Pleno da Corporación toma coñecemento da renuncia ao cargo de concelleira de **María Carmen Verde Leboráns**, pertencente ao grupo municipal popular, renuncia presentada por escrito mediante rexistro de entrada 14.885 de 2 de decembro de 2014, e que non ofrece dúbidas da súa autenticidade.

Así mesmo, tamén se toma coñecemento das renuncias anticipadas de **Manuel Pica-**

Ilo Rodeiro (rexistro de entrada 14.928, de data 3 de decembro de 2014) e de **María Consuelo Parapar Cora** (rexistro de entrada 15.046, de data 5 de decembro de 2014), renuncias presentadas por escrito e que non ofrecen dúbidas da súa autenticidade.

Tomado coñecemento das renuncias, o Pleno declara a vacante producida e acorda remitir copia do expediente á Xunta Electoral Central solicitando a expedición de credencial a favor da seguinte candidata da lista na que se produciu a vacante (Partido Popular) e que unha vez examinada a lista correspondente resulta ser **Ana Ruso Ba-liña**, con DNI 45.847.233-E, a cal terá dereito a tomar posesión no primeiro pleno que se celebre unha vez recibida a credencial e previo cumprimento dos requisitos legalmente establecidos.

Neste momento da orde do día, abandona o seu asento María Carmen Verde Leboráns.

C) PARA CONTROL DO GOBERNO:

Punto sétimo.- Rogos e preguntas.

Intervén a concelleira **Susana Mayo Redondo** para formular os seguintes rogos:

Primeiro rogo.- Estamos a final de ano, no ultimo pleno do ano. Non hai mellor mostra de como foi avanzando a política municipal neste concello que ver a orden do día deste pleno, de correr, de tirar para adiante. Son poucos os temas que se traen aquí pero non os temas que existen. Ames é un concello de 30.000 habitantes, con moitos problemas, problemas de emprego e problemas sociais que nos están chegando a todos todos os días, para os que seguro que hai políticas, polo menos algúns si temos opcións e temos propostas, pero o goberno non.

Nos traemos o que nos permite a lexislación que son rogos e preguntas. Nin sequera así conseguimos, quizais sexa culpa nosa e non o sabemos facer ben, quizais sexa unha estratexia de deixar morrer a política municipal de aquí a maio, que presten atención as nosas preguntas e rogos. Eu fixenlle unha serie de preguntas por escrito, por rexistro, que tiña vostede a obriga de contestarme antes deste pleno e das que non recibín ningunha resposta. O meu rogo ten que ver cas seguintes preguntas que fixen e non contestou. Primeira: ¿cando se van a acometer as obras de acondicionamento do aparcadoiro de terra do CEIP de Ventín?. Segunda: o inicio do curso 2014 - 2015 foi un desastre no colexio de Ventín e obrigou a ANPA a pagar un autobús o primeiro día. O concello comprometeuse a sufragar parte dese autobús e aínda non o fixo ¿cando se lle vai a pagar a ANPA de Ventín o que se comprometeu?. Terceira pregunta: a raíz do despedimento dunha traballadora de Bos Días en Ventín, a empresa Orbita infantil, que xestiona o servizo, permitiuse enviar a súa propia versión dos feitos por sms ós usuarios de tódolos centros. Queremos saber se vostedes son coñecedores deste uso pouco correcto e se tomaron algunha medida ao respecto. A cuarta pregunta ten que ver co aparcadoiro para o profesorado da Escola de Educación Infantil Municipal O Bosque. Alí hai un xerador eléctrico dende fai bastante tempo e as preguntas que se fixeron eran ¿qué fai alí ese xerador? ¿a qué problema se debe que esté o xerador? ¿cando se vai a solucionar o problema e polo tanto retirar o xerador?.

Hai outras catro preguntas que lles formulei hai un mes, tiñan que ver cunha praga de mosquitos que houbo no Milladoiro. Praga que atendeu unha empresa porque estaba prexudicando seriamente ós comerciantes da area da Magdalena, praga para a que solicitaron a colaboración da policía municipal que se presentou alí, pero que se presentou segundo dixeron eles por curiosidade, porque non lles entraba nas súas funcións. Ante a nosa sorpresa de non querer colaborar, as preguntas que fixemos foron se tiñan constancia destes feitos, se hai algún atestado da policía local referente a este tema, e se en vista deste problema van a tomar medidas para clarificar cales son as funcións e cales non da policía local. Ben, estas eran as preguntas, estounas

resumindo para dar paso a outras persoas. O meu rogo é que atendan vostedes á lexislación vixente, xa que non á vontade de facer política municipal e que me contesten esas preguntas.

Intervén a concelleira **Mª Pilar Candocia Pita** para formular os seguintes rogos:

Segundo rogo.- En relación ás illas dos colectores do lixo que se instaláron. Rogo que me dean conta, primeiro ¿por qué se decidiu ese sistema e non outro?. Segundo, ¿se comprobou noutros concellos que xa estaban estas illas como envellecían?. Hai fotos moi significativas do Concello de Coruña que non son as que ten a empresa cheas de flores maravillosas, son outra cousa; se poñen todas negras e non permiten ben a limpeza do espazo por parte dos servizos de limpeza municipais. Gustaríanos que nos dean un informe detallado de por qué elixiron ese sistema e cal foi o criterio que utilizaron para decidir onde se ubicaban.

Terceiro rogo.- Se hai algunha proposta ou algo adiantado, sei que dende o IES e desde o colexio se leva insistindo, a posibilidade dun aparcadoiro na parte de atrás do instituto. Acaba de haber un accidente nesa estrada, e hai moitísimos problemas de tráfico no instituto que poñen todos os días en perigo a vida dos rapaces. Rogamos que se lle de unha saída o mais rápido posible a esa situación, que pasa polo que nos di a directora do instituto. Eles teñen un compromiso por parte da Consellería de que lles fan unha entrada pola parte de atrás se se lles consegue que haxa alí un aparcamento. Rogamos que se resolva o antes posible.

Cuarto rogo.- É sobre a necesidade de resolver o estado da estrada de Castrigo que agora se utiliza moitísimo. Agora no instituto non se pode dar volta para a estrada principal e se sae pola estrada de Castrigo que está en moi malas condicións. Hai coches aparcados por todas partes. Agora que se está bacheando todo, que debe estar contentísimo Tojo porque diante da súa casa que sempre había un socabón inmenso, por fin esa estrada e a avenida de Lodeiro esta preciosa, pois supoño que agora que toca rebachear todo, pois que lle toque tamén algo a Castrigo, porque está en moi malas condicións e ademais ten un peso de tráfico moi grande.

Quinto rogo.- Rogamos que nos explique unha situación. Temos entendido e non sei se estou equivocada, en todo caso a señora secretaria ou o alcalde poden dicirme se estou equivocada. A persoa que vai a entrar polo partido popular é Ana Ruso, que é a persoa que neste momento está en Gabinete de Alcaldía. Con data, creo que do día 5 de decembro, no BOP saíu un cambio da súa situación, pasando de auxiliar administrativa a administrativa. Temos entendido que se ten acta de concelleira é incompatible con ese posto. A pregunta ou o rogo é que nos dean explicacións de que sentido ten un cambio a un mes vista de que tome posesión como concelleira. ¿Cal é o motivo que xustifica que haxa un cambio?.

Preguntas.-

Intervén a concelleira **Olalla Alvite del Río**, para formular as seguintes preguntas:

Primeira pregunta.- Preguntar se vostedes teñen algunha previsión dos datos de morosidade do concello para este trimestre.

Intervén o **alcalde**, para dicir: Lle contestaremos por escrito, non teño agora mesmo aquí o dato, aínda que a información que se rende periodicamente ao pleno trimestralmente recolle ese dato.

Intervén o concelleiro **Ramón García Argibay**, para formular as seguintes preguntas:

Segunda pregunta.- Relacionada coas políticas de gasto en subvencións para ás asociacións. Neste caso en particular, para a asociación de Bertamiráns, polas actividades que desenvolveron e para as que parece ser que aínda non hai nada resolto. A primeira cuestión que plantexo é se pola organización das festas, cando coinciden coas actividades das festas da Peregrina, se van ter algún tipo de axuda e en segundo lugar, se se vai a facer algún tipo de aportación polo desfile que se realizou no seu momento en Bertamiráns.

Terceira pregunta.- Se ten pensado traer os orzamentos a este pleno

Intervén o concelleiro **José M. Miñones Conde** para formular as seguintes preguntas:

Cuarta pregunta.- Antes, falando do tema do parque de bombeiros, vostede dixo que soamente na comisión presentamos solicitude de proposta para coñecer os metros para dotacións. Teño aquí diante uns escritos, un de 2 de abril, e outro de 18 agosto. Neses escritos lle notificamos a proposta que fixeramos en comisión do 21 de febreiro, preguntando se se fixera dende o goberno algo ao respecto da solicitude plantexada nun escrito anterior, e se fora solicitado informe a urbanismo e de non ser así, solicitabamos que se fixera ese informe por parte do persoal de urbanismo. O informe sería sobre a viabilidade da proposta que presentamos na comisión, sobre a viabilidade de cesión de 2.000 metros cadrados para a igrexa noutra parcela en Milladoiro. Cando nos presentamos a proposta, aínda non era definitiva a cesión que se fixo de 2.000 metros cadrados para a igrexa, e pediamos se se podía ofrecer outra parcela para a igrexa. A pregunta é saber se vostede é coñecedor destes escritos que presentamos por rexistro.

Quinta pregunta.- Outra das preguntas que xa fixen no pleno anterior é a seguinte: ¿por qué non se nos da acceso aos informes das escolas deportivas?. Dende hai tres meses temos solicitado acceso ao informe polo cal foi sancionada a empresa Eulen, en principio por 4.500 euros. Solicitamos acceso ao informe do técnico, aos informes mensuais de asistencia ás actividades e ao informe que ten que presentar a empresa mensualmente. Daquela pediamos ata o mes de outubro, agora xa temos que facelo extensible para o mes de novembro e decembro. Queremos poder acceder o expediente, non sabemos porque non se nos da acceso.

Sexta pregunta.- Temos tamén solicitado por escrito, que se fixera unha auditoría da rede eléctrica. Hoxe mesmo, no aparcamento de Carrefour, de 10 farolas hai 5 que non funcionan. Antes de chegar a ese aparcamento, na rúa, hai outras 3 farolas que non funcionan. A semana pasada estivemos polas parroquias e tamén existen numerosos fallos na rede eléctrica. No seu día xa solicitamos unha auditoría da rede eléctrica. Queríamos saber se se fixo algunha auditoría da rede eléctrica, e se se fixo solicitamos copia dos resultados da mesma.

Intervén o **alcalde** para dicir: Tomamos nota destas peticións.

Intervén o concelleiro **José Blas García Piñeiro** para formular as seguintes preguntas:

Sétima pregunta.- Con data 10 de xullo e 22 de agosto, presentáronse por rexistro do concello dous escritos dos veciños e veciñas da urbanización de Agro do Muíño. Solicitan unha serie de arranxos, porque existen varias deficiencias na urbanización, e ademais solicitan o servizo de limpeza viaria. As preguntas son saber cando se van a atender esas peticións, se se lles vai a contestar de algunha maneira ós escritos dos veciños e se existe algún tipo de previsión para facer unha revisión do contrato e facer o servizo de limpeza viaria desa urbanización.

Intervén o **alcalde** para dicir: Miraremos a ver se se lles contestou de palabra, por escrito ou telefonicamente e lle daremos cumprida información.

E non habendo mais asuntos que tratar, o señor alcalde presidente deu por rematado o acto e levantou a sesión ás vinte e unha horas e vinte minutos do día 26 de decembro de 2014, de todo o que eu como secretaria certifico.



Visto e prace
O alcalde

A secretaria

Pz. Do Concello, nº2. Bertamiráns
15220 AMES (A Coruña)

concellodeames@concellodeames.org
www.concellodeames.org

Telf: 981 883 002
Fax: 981 883 925